



Inatsisartunut ilaasortat

**UKA2019/45/122 aappassaanneerneqarnerani apequtigineqartunut
allagangorlugu akissuteqaat**

22-11-2019
Suliap nr.: 2019 - 19347
Id nr. 47246038

Asasakka Inatsisartunut ilaasortat

Postboks 909

3900 Nuuk

Tlf.: (+299) 34 50 00

E-mail: box909@nanoq.gl

Fax: (+299) 34 63 56

www.naalakkersuisut.gl

immikkoortup UKA2019/45/122 ulloq 13. november 2019 aappassaanneerneqarnerata nalaani Inatsisartuni oqallinnermut malitseqartitsilluni, matumuuna allagangorlugu akissuteqaat nassiunneqarpoq.

Apeqqut:

***Aalajangiiffigisassatut siunnersuut akuerineqassappat atuutsinneqalissappallu
sooq ineqarnermut akiliutit qaffannissaat pisariaqartinneqarnerasoq
Naalakkersuisup nassuiarsinnaavaa?***

Akissut: Immikkoortup siullermeerneqarnerani aappassaanneerneqarneranillu oqaatigineqartutut Naalakkersuisut naliliipput, inissianut attartortittakkanut, ukiuni 5-ini kingullerni inissiaq oqoqartoq paasineqarsimasunut imaluunniit inissiap attartortittakkap oqoqarunnaarsimaneranut uppersarsarneqartunut, nalunaarsuiffik aningaasaqarnikkut sunniuteqartussaasoq, naggataatigut attartortunut tuttussanik, tassami attartortut ineqarnermut akiliutip qaffanneratigut aningaasartuutit qaffasinnerulersut akilertussanngortussaammasigit.

Inissiap ukiuni 5-ini kingullerni inissiami oqoqarsimasoq nalunaarsorneqarsimasup attartornissaanut neqeroorut tigujuannginneqarsinnaalerpat, inoqangitsut amerlissasut naatsorsuutigineqarpoq. Tamatuma qanoq pisoqaraluarpalluunniit kingunerissavaa, inissiaq oqoqarneranut iluarsaanneqareeraluartoq, amerlanerusut inissiamut neqeroorummut naameertalererat. Aningasartuutaanerulersut attartortunit akilerneqartussaapput, tamannalu ineqarnermut akiliutinik qaffaanikkut pissaaq.

Aappassaanneerinerneqarnermut akissuteqaammi paasissutissiissutigineqartutut, inissiap oqoqarneranik misissuinerneqarnermut akiusumut, inissiap angissusaa apeqqutaasarpoq. Nalunaarusiamik suliaqarnerneqarnermut aningaasartuutit Iserit A/S-ip aamma INI A/S-ip oqarnerat malillugu nalunaarusiamut ataatsimut kr. 3.500 aamma kr. 7.500 akornanniittarput. Tassunga ilanngutissapput immikkut ilisimasallit nalunaarusianik suliaqartussat angalanerannut unnuinerannullu aningaasartuutit. Angalanermeqarnermut unnuinerneqarnermut aningaasartuutit kr. 20.000 aamma kr. 30.000 akornanni akeqarsinnaasarput.

Namminersorlutik Oqartussat inissiaataanni ukiumut inissiamit nuunnerit 2000-it missaanniimmata INI A/S missingersuivoq, inissiaq ataaseq kr. 5.000-nik

agguaqatigiissillugu akeqartillugu inissiamik misissueqqissaarnermut aningaasartat misiliutigineqartut atorlugit, tamatuma kingunerisaanik Namminersorlutik Oqartussani najugaqatigiiffinni aningaasartuutit kr. 10 mio.-nik annertussuseqalissasut. Tassunga aammattaaq ilanngutissapput inissianik Kommuneqarfik Sermersuumit pigineqartunut, Iserit A/S-imit aqunneqartunut misissuineranut aningaasartuutit.

Inissiaq piffissami attartortinneqartussatut innersuunneqarnerani oqoqanngitsaq inatsimmi pisussaaffiusumik uppernarsaammik imaluunniit tamatumunnga allaganngorlugu nalunaarummik tunniussisarnissaq pillugu aalajangiisoqassappat, inissiaatileqatigiiffinnut allaffissornikkut aningaasartuutit annertunerulernerannik tamanna malitseqassasooq naatsorsuutigineqartariaqarpoq, tamatumalu kingunerisaanik attartortittakkat sivisunerusumik inoqanngittarnissaat naatsorsuutigineqarpoq, attartortittakkami pineqartumi oqummik ajornartorsiuteqanngikkaluartoq.

Siunissami ingerlaavartumik pilersaarutaasumillu aserfallatsaaliuinissamut aningaasassanik siunissami qulakkeerisoqarnissaata aallunneqarnissaa Naalakkersuisut tamatumunnga taarsiullugu takorusunnerugaluarpaat, taamaalilluni inissiap pitsaassusaa qaffassarneqarsinnaassalluni aammalu oqummik ajornartorsiuteqarneq annikilliseqqinneqarsinnaassalluni. Tamatuma saniatigut inissiamut neqeroorutip nassiunneqannginnerani inissiami oquup toqqissisimanartumik qaffasissumik pitsaassuseqartumik naleqquttumik peerneqarsimanerata qulakkeerneqarsimanissaa aallunneqartariaqaraluartoq, Naalakkersuisut isumaqarput. Tunngavissarititaasut pingaaruteqartut tassaasariaqaraluarpud neqerooruteqarnerup nalaani inissiap maannakkut pitsaassusaa inissiallu oqaluttuassartaa pinnagu.

Inussiarnersumik inuulluaqqusillunga



Karl Frederik Danielsen